

Der. VII. Titel des erstē Tractats

Belonung der Redner.

Item so setzen vnd ordnen wir ouch / das die fürsprechē / die parthien so vor vnserm rat oder dem Stattgericht zu handeln haben in der belonung nit überscheyzen / sonder nit me vordern noch nemen / dann wie wir inen deshalb ein tar setzen / bestyemen / vnd zu handen stellen / vnd ob so groß sachen fürsielen vnd lang im rechten stünden / dadurch die fürsprecken vermeintē ein höhere belonung / dan wir in der gemeinē tar / satzung bestimpt / verdient zu haben / so sol in den selben vñ allen andern handelns alweg an vnser vnd der richter miltmassung stan wie vil mā den fürsprecken geben / vnd sollen darnach die selben fürsprecken dabý blißen.

Wie vil reden ein yeder Fürsprech für sin parthy thün mag.

Item ein yeder der obbestimpten redner sol ein yede handel in dryen reden / oder ob er schriftlich handelte mit dryen geschüften vnd nit wyter begriffen. Es wer dan das wir oder ein gericht im vfferscheynung siner notturfft mit recht wyter zu liessen. Also zu verstan / dz der klegger sin klag / der antwürtter sin antwürt / darnach der klegger sin gegered / der antwürtter sin inred / zu lest der kläger vnd darnach der antwürtter yeder sin beschlusrede thün sol. Wer aber dz der klegger oder antwürtter küntschaft inlegten / es weren gezüge / schüften / brieff / oder anders / darüber sol yedem teil zwo reden zu thün erloubt sin.

Die redner sollen einander nit schmehen oder schumpffieren.

Item die Redner solle sich flissen / das sy emander nit mit spott / schmutz oder schertzwortē anzeppfen / noch schumpffieren / sonder niches redē dan was zum rechten dient / vnd inen beuolhen würt. So dick aber einer das überfert / der bessert dem Schultheissen dry schilling pfamig. Es mächts ouch einer so grob vnd oft brechen / er wurd nit allein vñ sinem amptt gesetzt sonder darzu hart gestrafft.

Yede parthy mag ir selbs reden.